

## Mahasiswa UMP cipta produk dari bahan kitar semula



Kuantan, 14 Oktober- Sebanyak 18 produk berjaya dihasilkan mahasiswa Universiti Malaysia Pahang (UMP) dengan menggunakan bahan-bahan yang dikitar semula. Pertandingan Go Green : Build an Ideal L.I.F.E Exhibition ini diadakan sempena Expokonvo UMP yang berlangsung di Dataran Canseleri.

Mahasiswa tahun 3 (Fakulti Sistem Komputer & Kejuruteraan Perisian), Chan Mun Kit berjaya meraih tempat pertama dengan ciptaan produk *Recycle Pipe*. Produk yang dihasilkan dari paip PVC yang dikutip dari tapak pembinaan menjadi ilham baginya untuk dijadikan sebagai pelapik untuk membaca buku atau ketika menggunakan komputer riba. Ciptaan ini dapat memperbetulkan tekanan badan ketika aktiviti membaca atau menggunakan komputer riba.

Manakala mahasiswa dari Fakulti Teknologi Kejuruteraan Wong Li Ung mendapat tempat kedua hasil ciptaan DIY MultiFunction Bag yang dihasilkan dari majalah yang sudah tidak dibaca lagi



Katanya, beg yang dihasilkan selama tiga minggu dengan menggunakan 500 helai majalah ini bersamaan enam majalah. Li Ung mempelajari teknik lipatan dari Youtube berharap dapat menambahbaik beg ini bagi tujuan kalis air memandangkan ianya diperbuatkan dari kertas.

Tidak ketinggalan tempat ketiga, Mohd Hafizuddin Khairuddin dari Fakulti Kejuruteraan Awam dan Sumber Alam dengan penghasilan Magic Apple iaitu meja belajar yang dalam bentuk buah epal.

Produk ini amat menarik minat juri kerana ianya disertakan dengan tempat penyimpanan dan dekorasi berwarna-warni. Selain itu sebanyak 64 buah botol plastik digunakan sebagai sokongan meja belajar tersebut.

Mohd. Hafizuddin bercita-cita untuk memperbaiki lagi produk beliau dengan bahan yang lebih tahan lama. Pemenang membawa pulang hadiah komputer riba berjenama Acer, headphone dan voucher makan sumbangan LIDA WATI.



Pengarah Expokonvo15, Poh Yi Fei berkata, pertandingan ini dianjurkan sebagai menyokong usaha universiti dalam aktiviti penghijauan kampus dan memupuk dan memperlihatkan kreativiti mahasiswa university dalam menghasilkan pelbagai produk hasil dari bahan kitar semula yang boleh digunakan.

Pada masa yang sama berlangsung pertandingan Master of Chess antara salah satu aktiviti sempena Expoconvo 2015. Seramai 50 peserta telah terlibat terdiri daripada orang awam, pelajar UMP dari kampus Gambang dan Pekan yang telah diadakan di Block W, UMP kampus Gambang. Bagi peserta luar, Muhd Khairilhelmi Rosseli, 22 penganjuran sebegini adalah menarik untuk membolehkan masyarakat luar untuk turut serta. Beliau yang sedang mengikuti pengajian Aviation Training Center, Subang berbangga dapat turut serta.

Peserta akan melalui enam kali pusingan permainan untuk menentukan pemenang keseluruhan dan pemenang membawa pulang hadiah wang tunai dari tempat pertama hingga kelima sebanyak RM250, RM150, RM100, RM80 dan RM60. Pertandingan peserta luar iaitu Mohd Khair Wahidduddin, Muhd Khairilhelmi Rosseli, Meor Airil Rahimi Ayib Rosdi, Suhaimi Puteh dan Abdul Khalid Musa.

**Disediakan Unit Perhubungan Awam, Bahagian Komunikasi Korporat PNC**